



МОНГОЛ УЛСЫН ЗАСГИЙН ГАЗРЫН ХЭРЭГЖҮҮЛЭГЧ АГЕНТЛАГ

## НИЙГМИЙН ДААТГАЛЫН ЕРӨНХИЙ ГАЗАР

15160 Улаанбаатар хот, Чингэлтэй дүүрэг  
Бага тойруу 13/1, Утас: 32 80 30, Факс: (976-11) 32 07 16,  
E-mail: undeg@ndaatgal.mn, http://www.ndaatgal.mn

2024.03.26 № 04/600  
танай -ны № -т

### АЙМАГ, НИЙСЛЭЛ, ДҮҮРГИЙН НИЙГМИЙН ДААТГАЛЫН ГАЗРЫН ДАРГА НАРТ

Нийгмийн даатгалын үндэсний зөвлөлийн 2024 оны 01 дүгээр тогтоолыг хүргүүлж байна.

Уг тогтоолоор “Нэрийн дансыг нээх, бүртгэх, хөтлөх, даатгуулагчийн гарааны үлдэгдлийг тооцохтой холбогдсон харилцааг зохицуулах журам”-ыг баталсан болно.

Иймд журмыг сайтар судлан байцаагч, ажилтнуудыг мэргэжил арга зүйгээр, ажил олгогч, иргэд, даатгуулагчдыг мэдээллээр ханганд ажиллана уу.

Хавсралт 10 хуудастай.

БОДЛОГЫН ХЭРЭГЖИЛТ, СУДАЛГААНЫ  
ГАЗРЫН ДАРГА Ч.ГАНЦЭЭГ



My doc.BHSG A-5 24.03/ sar

1524000926



НИЙГМИЙН ДААТГАЛЫН  
ҮНДЭСНИЙ ЗӨВЛӨЛИЙН  
ТОГТООЛ

2014 оны 03 сарын 05 өдөр

Дугаар 01

Улаанбаатар хот

Журам батлах тухай

Нийгмийн даатгалын ерөнхий хуулийн 27 дугаар зүйлийн 27.10 дахь хэсгийг үндэслэн ТОГТООХ нь:

1. Нэрийн дансыг нээх, бүртгэх, хөтлөх, даатгуулагчийн гарааны үлдэгдлийг тооцохтой холбогдсон харилцааг зохицуулах журмыг хавсралтаар баталсугай.
2. Тогтоолыг хэрэгжүүлж ажиллахыг Нийгмийн даатгалын ерөнхий газар /Л.Мөнхзул/-т даалгасугай.
3. Тогтоолын хэрэгжилтэд хяналт тавьж ажиллахыг Нийгмийн даатгалын үндэсний зөвлөлийн ажлын алба /Г.Банзрагч/-нд үүрэг болгосугай.
4. Энэ тогтоол батлагдсантай холбогдуулан “Тэтгэврийн даатгалын шимтгэлийн нэрийн дансны эхний /гарааны/ үлдэгдэл тооцоход баримтлах шимтгэлийн хувь хэмжээ, цалин хөлсний дундаж индекс /итгэлцүүр/-ийг шинэчлэн батлах тухай” Нийгмийн даатгалын үндэсний зөвлөлийн 2010 оны 02 дугаар сарын 25-ны өдрийн 02 дугаар тогтоолыг хүчингүй болсонд тооцсугай.

ДАРГА

Х.БУЛГАНТУЯА



Нийгмийн даатгалын үндэсний  
зөвлөлийн 2024 оны 03 дугаар  
сарын 05-ны өдрийн 01 дугаар  
тогтоолын хавсралт  
1119276367  
5284708 СБА1473

## НЭРИЙН ДАНСЫГ НЭЭХ, БҮРТГЭХ, ХӨТЛӨХ, ДААТГУУЛАГЧИЙН ГАРААНЫ ҮЛДЭГДЛИЙГ ТООЦОХТОЙ ХОЛБОГДСОН ХАРИЛЦААГ ЗОХИЦУУЛАХ ЖУРАМ

### Нэг. Нийтлэг үндэслэл

1.1. Энэхүү журмаар Нийгмийн даатгалын ерөнхий хууль /шинэчилсэн найруулга/-д заасны дагуу даатгуулагчид тэтгэврийн даатгалын шимтгэлийн нэрийн данс (цаашид "нэрийн данс" гэх) нээх, гарааны болон эхний үлдэгдэл тооцох, ажил олгогч, даатгуулагчийн тэтгэврийн даатгалд төлсөн шимтгэл (цаашид "шимтгэл" гэх)-ийг бүртгэх, нэрийн дансанд хүү тооцох, нэрийн дансанд бүртгэсэн орлогын бодит мөнгөн хэлбэрт шилжүүлсэн хэсэг (цаашид "мөнгөжүүлсэн орлого" гэх)-ийг бүртгэх, даатгуулагчийн хүсэлтийг хүлээн авах, шийдвэрлэх, хяналт, хариуцлага хүлээлгэхтэй холбогдсон харилцааг зохицуулна.

### Хоёр. Нэрийн дансыг нээх

2.1. Нийгмийн даатгалын ерөнхий хууль /шинэчилсэн найруулга/-ийн 27 дугаар зүйлийн 27.1, 27.2 дахь хэсэгт заасны дагуу 1960 оны 01 дүгээр сарын 01-ний өдөр ба түүнээс хойш төрсөн, шимтгэл төлсөн даатгуулагчид нэрийн данс нээнэ.

### Гурав. Нэрийн дансны гарааны үлдэгдэл тооцох

3.1. Нэрийн дансны гарааны үлдэгдлийг 2000 оноос өмнө ажил хөдөлмөр эрхэлсэн, албан журмаар эсхүл сайн дураар даатгуулж тэтгэврийн даатгалын шимтгэл төлсөн даатгуулагчид тооцно. Гарааны үлдэгдэл нь даатгуулагчийн нэрийн данс нээлгэсэн жилийн эхний үлдэгдэл байна.

3.2. Нэрийн дансны гарааны үлдэгдлийг тооцоход дараах үзүүлэлтүүдийг харгалзана. Үүнд:

3.2.1. Даатгуулагчийн нэрийн данс нээлгэх хүртэл ажилласан болон шимтгэл төлсөн хугацаа;

3.2.2. Даатгуулагчийн 1995-1999 онд шимтгэл төлсөн, итгэлцүүрээр өсгөсөн 5 жилийн дундаж цалин хөлс, түүнтэй адилтгах орлого (цаашид "цалин хөлс" гэх);

3.2.3. Сард төлбөл зохих шимтгэлийн хувь хэмжээ;

3.2.4. Сүүлийн 5 жилийн улсын дундаж цалин хөлсний итгэлцүүр.

3.3. Нэрийн дансны гарааны үлдэгдлийг тооцоход энэ журмын 3.2-т заасан



үзүүлэлтүүдийг харгалzan дараах томьёогоор бодно:

3.3.1. Нэрийн дансны гарааны үлдэгдэл:

$$\Gamma_{c_1} = (\text{Б} \times \text{Ш}_{\text{cap}})^* 96\%$$

$\Gamma_{c_1}$ -нэрийн дансны эхний үлдэгдэл;

Б-сард төлбөл зохих шимтгэлийн хэмжээ;

Ш<sub>cap</sub>-шимтгэл төлсөн нийт сар;

96%-Нийгмийн даатгалын ерөнхий хууль /шинэчилсэн найруулга/-ийн 27.3.2, 27.3.3, 27.3.4, 27.3.5, 27.3.6-д заасан шимтгэлийн орлогоос 4 хувийг хөдөлмөрийн чадвар алдсаны, тэжээгчээ алдсаны тэтгэвэр олгох зориулалтаар тусгайлан бүртгэснийг хассан хувь;

3.3.2. Сард төлбөл зохих шимтгэлийн хэмжээг доорх томьёогоор бодно:

$$\text{Б} = \text{Ц}_d \times \text{Д}_i \times 19.0\%$$

Ц<sub>d</sub>-даатгуулагчийн 1995-1999 оны сарын цалин хөлсний дундаж хэмжээ;

Д<sub>i</sub>-1995-1999 оны улсын дундаж цалин хөлснөөс бодсон дундаж итгэлцүүр;

19.0%-1995-1999 онд мөрдөж байсан тэтгэврийн даатгалын шимтгэл /ажил олгогч-13.5, даатгуулагч-5.5/-ийн хувь хэмжээ.

3.4. Энэхүү журмын 3.2.1-д заасан шимтгэл төлсөн хугацааг дараах байдлаар сараар тооцно. Үүнд:

3.4.1. Даатгуулагчийн 1995 оны 01 дүгээр сарын 01-нээс өмнө ажилласан хугацааг хөдөлмөрийн дэвтэр (тушаалын хуулбар, архивын лавлагаа, шүүхийн шийдвэр, цэргийн батлах, цэргийн байгууллагын архивын лавлагаа зэрэг)-ийг үндэслэнэ.

3.4.2. Даатгуулагчийн 1995 оны 01 дүгээр сарын 01-нээс 1999 оны 12 дугаар сарын 31-ний өдрийг дуустал ажиллаж, шимтгэл төлсөн хугацааг нийгмийн даатгалын дэвтэр, мэдээллийн нэгдсэн сан, шимтгэл төлөлтийн тооцооны хуудас, нийгмийн даатгалын байгууллагын архивын баримт зэргийг үндэслэн тооцно.

3.5. Энэхүү журмын 3.2.2-т заасан сарын дундаж цалин хөлсний хэмжээг дараах байдлаар тодорхойлно. Үүнд:

3.5.1. Даатгуулагчийн 1995-1999 онд сар бүр шимтгэл төлж ажилласан 5 жилийн итгэлцүүрээр өсгөсөн цалин хөлсний нийлбэрийг 60-д хуваана.

3.5.2. Даатгуулагч нь 1995-1999 онд тасралттайгаар шимтгэл төлсөн бол түүний мөн онуудад шимтгэл төлсөн саруудын цалин хөлсний нийлбэрийг

шимтгэл төлсөн сарын тоонд нь хувааж дундаж цалин хөлсний хэмжээг тооцно.

3.5.3. 1995 оны 01 дүгээр сарын 01-ний өдрөөс өмнө ажилласан боловч 1995 оноос нэрийн данс нээлгэх хүртэлх хугацаанд шимтгэл **төлөөгүй** даатгуулагчийн сарын дундаж цалин хөлсийг Засгийн газрын тогтоосон 1999 онд мөрдөж байсан хөдөлмөрийн хөлсний доод хэмжээ (12000 төгрөгөөр)-гээр тооцно.

3.5.4. Даатгуулагчийн нэрийн дансны гарааны үлдэгдлийг тооцох итгэлцүүрээр өсгөсөн сарын цалин хөлсний дээд хэмжээ нь 1999 онд мөрдөж байсан даатгуулагчийн шимтгэл төлөх сарын цалин хөлсний дээд хэмжээ (425000 төгрөг)-нээс хэтрэхгүй байна.

3.6. Энэ журмын 3.2.4-т заасан гарааны үлдэгдэл тооцоход баримтлах цалин хөлсийг өсгөн тооцоход баримтлах итгэлцүүрийн хэмжээ:

| № | Он   | Нэрийн дансны итгэлцүүр |
|---|------|-------------------------|
| 1 | 1995 | 10.06                   |
| 2 | 1996 | 4.60                    |
| 3 | 1997 | 3.83                    |
| 4 | 1998 | 3.54                    |
| 5 | 1999 | 3.22                    |

#### **Дөрөв. Нэрийн дансны эхний үлдэгдэл тооцох**

4.1. 2000 оноос өмнө шимтгэл төлсөн даатгуулагчдын нэрийн дансны гарааны үлдэгдэл нь түүний нэрийн дансны эхний үлдэгдэл байна.

4.2. 2000 оноос хойш шимтгэл төлсөн даатгуулагч эхний үлдэгдэлгүй бол “0” тэг байхаар тооцож, даатгуулагч тус бүр дээр нэрийн данс нээж бүртгэнэ.

4.3. Нэрийн дансны өмнөх оны эцсийн үлдэгдэл нь тухайн жилийн эхний үлдэгдэл байна.

#### **Тав. Нэрийн дансны орлого, зарлагыг бүртгэх, хөтлөх**

5.1. Нийгмийн даатгалын мэдээллийн нэгдсэн санд нэрийн дансны орлогыг дараах байдлаар бүртгэж, хөтөлнө. Үүнд:

5.1.1. Даатгуулагчийн төлсөн шимтгэлийг Нийгмийн даатгалын ерөнхий хууль /шинэчилсэн найруулга/-ийн 19.4 дэх хэсэгт заасны дагуу албан журмаар даатгуулагчийн хувьд тухайн үед мөрдөж байгаа сарын хөдөлмөрийн хөлсний доод хэмжээг 10 дахин, сайн дураар даатгуулагчийн хувьд 7 дахин нэмэгдүүлсэнтэй тус тус тэнцүү байхаар сарын цалин хөлсийг түүнтэй адилтгах орлогын дээд хэмжээг баримтлан нийгмийн даатгалын байгууллага мэдээллийн нэгдсэн санд;

5.1.2. Ажил олгогчийн цалин хөлсний сан, түүнтэй адилтгах орлогоос

Нийгмийн даатгалын ерөнхий хууль /шинэчилсэн найруулга/-ийн 18.1 дэх хэсэгт заасан тэтгэврийн даатгалын шимтгэлийн хувь хэмжээгээр тооцон нийгмийн даатгалын байгууллага даатгуулагч тус бүрээр мэдээллийн нэгдсэн санд;



5.1.3. Нийгмийн даатгалын холбогдох сангаас тэтгэврийн даатгалын санд төлсөн шимтгэлийг даатгуулагч тус бүрээр нэрийн дансанд;

5.1.4. Хөдөлмөрийн тухай хууль /шинэчилсэн найруулга/-ийн 63.3 дахь хэсэгт заасан ажилтны шимтгэлийг хөдөлмөр эрхлэлтийг дэмжих сангаас төлсөн шимтгэлийн хэмжээгээр даатгуулагч тус бүрээр;

5.1.5. Төрөөс төлсөн тэтгэврийн даатгалын шимтгэлийг холбогдох журмын дагуу баталгаажуулан даатгуулагч тус бүрээр;

5.1.6. Энэхүү журмын 6.1-д заасан хүүгийн орлогыг даатгуулагч тус бүрээр нэрийн дансанд нь нийгмийн даатгалын байгууллага жилд нэг удаа;

5.1.7. Нэрийн дансны мөнгөжүүлсэн орлогын хөрөнгө оруулалтын өгөөжийг нийгмийн даатгалын байгууллага даатгуулагч бүрээр нэрийн дансанд тухай бүр.

5.2. Албан журмаар даатгуулагчийн жирэмсний болон амаржсаны амралттай, гурав хүртэлх насын хүүхдээ асрах чөлөөтэй байх хугацааны нэрийн дансны орлогыг жирэмсний болон амаржсаны тэтгэмж бодуулсан сүүлийн 12 сарын цалин хөлсний дунджаас ажил олгогч, даатгуулагчийн төлбөл зохих шимтгэлийн хувь хэмжээгээр тооцож, нэрийн дансанд нь бүртгэж, хүү тооцно.

5.2.1. Нийгмийн даатгалын ерөнхий хууль /шинэчилсэн найруулга/-ийн 21.14 дэх хэсэгт заасан эхийн шимтгэл төлсөн хугацаан дээр энэ журмын 5.2-т заасан орлогыг нэмж бүртгэнэ. Мөн даатгуулагч эх хүүхдээ асрах чөлөө дуусахаас өмнө Нийгмийн даатгалын ерөнхий хууль /шинэчилсэн найруулга/-ийн 7.2, 7.7 дахь хэсэгт заасан харилцаа үүссэн тохиолдолд энэ журмын 5.2-т заасан харилцааг дуусгавар болгож, төлсөн шимтгэлийн орлогоос нь нэрийн дансанд ногдох хэсгийг бүртгэнэ.

5.2.2. 2024 оны 01 дүгээр сарын 01-ний өдрөөс хойш 3 хүртэлх насын хүүхдээ асрах чөлөөтэй хугацааны шимтгэлийг ажил олгогч нь хариуцан төлж байгаа тохиолдолд тухайн даатгуулагчийн шимтгэл төлсөн хугацаан дээр энэ журмын 5.2-т заасан орлогыг нэмж бүртгэнэ.

5.3. Нийгмийн даатгалын сангаас олгох тэтгэврийн тухай хууль /шинэчилсэн найруулга/-ийн дагуу өндөр насын тэтгэвэр тогтоолгох даатгуулагчийн 1995 оноос өмнө цэргийн алба хаасан хугацаанд ногдох шимтгэлийг даатгуулагчийн болон ажил олгогчийн төлөх шимтгэлийн хувь хэмжээгээр дараах орлогоос тооцож нэрийн дансанд нь бүртгэнэ:

5.3.1. Цэргийн алба хаасан хугацааны цалин хөлсөнд Нийгмийн

даатгалын ерөнхий хууль /шинэчилсэн найруулга/-ийн 22.2 дахь хэсэгт заасны дагуу тогтоосон итгэлцүүр хэрэглэсэн дүнгээс тооцно;

Санамж: Итгэлцүүрээр өсгөсөн цалин хөлсийг тодорхойлохдоо Нийгмийн даатгалын ерөнхий хууль /шинэчилсэн найруулга/-ийн 19.4 дэх хэсэг Засгийн газрын холбогдох тогтоолыг баримтална.

5.3.2. Цэргийн алба хаасан хугацааг өсгөн тооцсон хугацааны шимтгэлийг тэтгэвэр тогтоолгох үед мөрдөж байгаа хөдөлмөрийн хөлсний доод хэмжээнээс тооцож бүртгэнэ.

5.4. Тэтгэврийн даатгалын шимтгэлийг 10-аас доошгүй жил төлсөн, төрүүлсэн болон гурав хүртэл настайд нь үрчлэн авсан хүүхдээ зургаан нас хүртэл өсгөсөн эхийн төрүүлсэн болон үрчлэн авсан хүүхэд бүрийн тоогоор нэг жил зургаан сараар тооцсон хугацааг даатгуулагчийн өндөр насын тэтгэвэр тогтоолгох үед мөрдөж байгаа хөдөлмөрийн хөлсний доод хэмжээнээс ажил олгогчийн болон даатгуулагчийн төлөх хувь хэмжээгээр тооцож нэрийн дансанд нь нэг удаа бүртгэнэ.

5.5. Хөдөлмөрийн чадвар бүрэн алдсан даатгуулагчийн хөдөлмөрийн чадвар алдсаны тэтгэвэр авч байсан хугацааны шимтгэлийг өндөр насын тэтгэвэр тогтоолгох үед мөрдөж байгаа хөдөлмөрийн хөлсний доод хэмжээнээс ажил олгогчийн болон даатгуулагчийн төлөх хувь хэмжээгээр тооцож нэрийн дансанд нь нэг удаа бүртгэнэ.

5.6. Энэхүү журмын 5.3, 5.4, 5.5 дахь хэсэгт заасан нэрийн дансны орлогыг тухайн даатгуулагч нэрийн дансны аргаар тэтгэвэр тогтоолгох хүсэлт гаргасан үед нэрийн дансны эцсийн үлдэгдэл дээр нэмж тооцно.

5.7. Нэрийн дансны зарлагын бүртгэлийг нийгмийн даатгалын байгууллага дараах байдлаар бүртгэнэ:

5.7.1. Нэрийн дансны аргаар тэтгэвэр тогтоолгосон тэтгэвэр авагчийн нэрийн дансны үлдэгдлээс сар бүр авсан тэтгэврийн хэмжээгээр хасаж;

5.7.2. Нэрийн дансны тухайн жилийн эхний үлдэгдлээс мөнгөжүүлсэн орлогыг хасаж.

### **Зургаа. Нэрийн дансны орлогод хүү тооцох**

6.1. Даатгуулагчийн мөнгөжүүлсэн орлогыг хассан нэрийн дансны эхний үлдэгдэл, тухайн жилийн бүртгэсэн шимтгэлийн орлогод хүү тооцно.

6.2. Нэрийн дансны орлогод тооцох хүүгийн хэмжээг дараах томьёогоор тооцно.

X= (И , Д<sub>i</sub>) (дундаж, багаар, ихээр) сонголт хийх

И-өмнөх оны инфляцын түвшин;

Д<sub>i</sub>-Банкны тухай хууль /шинэчилсэн найруулга/-ийн 3.1.20 дахь хэсэгт заасан арилжааны банкнаас албан ёсоор зарласан иргэдийн мөнгөн хадгаламжийн өмнөх жилийн дундаж хүүгийн хэмжээ.



6.3. Энэхүү журмын 5.3, 5.4, 5.5-д заасан тусгай зохицуулалтаар нэмэгдүүлж буй шимтгэлийн орлогод хүү тооцохгүй.

### **Долоо. Нэрийн дансны эцсийн үлдэгдэл тооцох**

7.1. Даатгуулагчийн нэрийн дансны тухайн жилийн эцсийн үлдэгдлийг дараах томьёогоор тооцно:

$$НД_{c2} = НД_{c1} - M + БШО + X_0$$

НД<sub>c2</sub>-нэрийн дансны тухайн жилийн эцсийн үлдэгдэл;

НД<sub>c1</sub>-нэрийн дансны тухайн жилийн эхний үлдэгдэл;

M-мөнгөжүүлсэн орлого;

БШО-тухайн жилийн бүртгэсэн шимтгэлийн орлого;

X<sub>0</sub>-нэрийн дансны эхний үлдэгдлээс мөнгөжүүлсэн орлогыг хассан дүн, тухайн жилийн бүртгэсэн орлогод тооцсон хүүгийн орлого.

7.2. Зэрэгцсэн хөдөлмөрийн гэрээ, Иргэний хуулийн 343, 359 дүгээр зүйлд заасан ажил гүйцэтгэх, хөлсөөр ажиллах гэрээ болон тэдгээртэй адилтгах гэрээгээр тохирсон цалин хөлснөөс шимтгэл төлж давхар ажил эрхэлдэг даатгуулагчийн нэрийн дансанд бүртгэсэн тухайн жилийн шимтгэлийг тооцоходо ажил олгогч тус бүрийн төлсөн шимтгэлийн нийлбэр дүнгээс 4 хувьд ногдох хэсгийг хасаж тооцно.

7.3. Даатгуулагчийн өмнөх онуудын шимтгэл төлөлтийн тайланд залруулга хийсэн тохиолдолд тухайн жилийн нэрийн дансны эцсийн үлдэгдлийг шинэчлэн тооцож, өөрчлөгдсөн үлдэгдэлд нь хүү тооцно.

### **Найм. Нэрийн дансны үлдэгдлийг шалгах, даатгуулагчид мэдээлэх**

8.1. Нийгмийн даатгалын байгууллага энэ журмын нэгдүгээр хавсралтаар баталсан маягтын дагуу нэрийн дансны тухайн жилийн эцсийн нэгдсэн тайланг дараа оны 1 дүгээр улиралд багтаан шалгаж баталгаажуулна.

8.2. Нийгмийн даатгалын байгууллага энэ журмын хоёрдугаар хавсралтаар баталсан маягтын дагуу нэрийн дансны үлдэгдлийг даатгуулагч бүрээр гарган, дараа оны 2 дугаар улиралд багтаан даатгуулагчийг мэдээллээр хангах /цахимаар харах, хэвлэж авах/ нөхцөлийг бүрдүүлнэ.

8.3. Даатгуулагч нийгмийн даатгалын байгууллагын цахим хуудас, нийгмийн даатгал аппликашн, төрийн үйлчилгээний нэгдсэн систем (e-mongolia)-ээр нэрийн дансны лавлагаа авах, мэдээллээ шалгах, хянах, мэдээлэл зөрүүтэй тохиолдолд нийгмийн даатгалын байгууллагад хандан залруулах эрхтэй.

### **Ес. Даатгуулагчийн хүсэлтийг хүлээн авах, шийдвэрлэх**

9.1. Даатгуулагч нэрийн дансны мэдээллээ шалгуулах хүсэлтээ харьяалах нийгмийн даатгалын байгууллагад цахимаар эсхүл цаасаар гаргана.

9.2. Нийгмийн даатгалын байгууллага даатгуулагчийн хүсэлтийг нийгмийн даатгалын мэдээллийн нэгдсэн сантай тулган шалгаж шийдвэрлэнэ.

9.3. Нийгмийн даатгалын байгууллага даатгуулагчийн гаргасан хүсэлтийг холбогдох хууль тогтоомжид заасан хугацаанд шийдвэрлэнэ.

**Арван. Хяналт, хариуцлага**

10.1. Энэ журмын хэрэгжилтэд нийгмийн даатгалын төв, орон нутгийн байгууллагын холбогдох чиг үүрэг бүхий нэгж, нийгмийн даатгалын болон нийгмийн хамгааллын хяналтын улсын байцаагч хяналт тавина.

10.2. Энэхүү журмыг зөрчсөн хүн, хуулийн этгээдэд холбогдох хууль тогтоомжид заасны дагуу хариуцлага хүлээлгэнэ.

- - - о О о - - -



Нэрийн дансыг нээх, бүртгэх, хөтлөх,  
даатгуулагчийн гарааны үлдэгдлийг  
тооцохтой холбогдсон харилцааг  
зохицуулах журмын нэгдүгээр хавсралт

1119276367  
5284708 СБА1473

ТЭТГЭВРИЙН ДААТГАЛЫН ШИМТГЭЛИЙН  
НЭРИЙН ДАНСНЫ ..... ОНЫ НЭГДСЭН ТАЙЛАНГИЙН МАЯГТ

Нийгмийн даатгалын газрын нэр: .....

/төгрөгөөр/

| Он    | Даатгуулагчийн тоо | Нэрийн дансны эхний үлдэгдэл | Нийгмийн даатгалын шимтгэлийн орлого | Мөнгөжүүлсэн орлого | Нэрийн дансны зарлага | Хүүгийн орлого | Нэрийн дансны эцсийн үлдэгдэл /2+3-4-5+6 |
|-------|--------------------|------------------------------|--------------------------------------|---------------------|-----------------------|----------------|--|
| А     | Б                  | 2                            | 3                                    | 4                   | 5                     | 6              | 7  |
| 2000  |                    |                              |                                      |                     |                       |                |  |
| 2001  |                    |                              |                                      |                     |                       |                |  |
| 2002  |                    |                              |                                      |                     |                       |                |  |
| 2003  |                    |                              |                                      |                     |                       |                |  |
| 2004  |                    |                              |                                      |                     |                       |                |  |
| 2005  |                    |                              |                                      |                     |                       |                |  |
| 2006  |                    |                              |                                      |                     |                       |                |  |
| 2007  |                    |                              |                                      |                     |                       |                |  |
| 2008  |                    |                              |                                      |                     |                       |                |  |
| 2009  |                    |                              |                                      |                     |                       |                |  |
| 2010  |                    |                              |                                      |                     |                       |                |  |
| 2011  |                    |                              |                                      |                     |                       |                |  |
| 2012  |                    |                              |                                      |                     |                       |                |  |
| 2013  |                    |                              |                                      |                     |                       |                |  |
| 2014  |                    |                              |                                      |                     |                       |                |  |
| 2015  |                    |                              |                                      |                     |                       |                |  |
| 2016  |                    |                              |                                      |                     |                       |                |  |
| 2017  |                    |                              |                                      |                     |                       |                |  |
| 2018  |                    |                              |                                      |                     |                       |                |  |
| 2019  |                    |                              |                                      |                     |                       |                |  |
| 2020  |                    |                              |                                      |                     |                       |                |  |
| 2021  |                    |                              |                                      |                     |                       |                |  |
| 2022  |                    |                              |                                      |                     |                       |                |  |
| 2023  |                    |                              |                                      |                     |                       |                |  |
| ..... |                    |                              |                                      |                     |                       |                |  |

Нэрийн дансыг нээх, бүртгэх, хөтлөх,  
даатгуулагчийн гарааны үлдэгдлийг  
тооцохтой холбогдсон харилцааг  
зохицуулах журмын хоёрдугаар хавсралт

1119276367  
5284708 СБА1473

ТЭТГЭВРИЙН ДААТГАЛЫН ШИМТГЭЛИЙН  
НЭРИЙН ДАНСНЫ ЛАВЛАГААНЫ МАЯГТ

..... оны ..... сарын ..... өдөр

Даатгуулагчийн:  
Эцэг/эхийн нэр:..... Нэр:.....

Дахин давтагдашгүй дугаар: .....

..... оны нэрийн дансны эхний үлдэгдэл: .....

/төгрөгөөр/

| Сар | Цалин хөлс | Нийгмийн даатгалын<br>шимтгэлийн орлого |             | Мөнгөжүүлсэн<br>орлого | Зарлага | Бүртгэсэн<br>шимтгэлийн<br>орлого |
|-----|------------|---|-------------|------------------------|---------|-----------------------------------|
|     |            | Ажил олгогч                             | Даатгуулагч |                        |         |                                   |
| A   | 1          | 2                                       | 3           | 4                      | 5       | 6                                 |
| 1   |            |   |             |                        |         |                                   |
| 2   |            |   |             |                        |         |                                   |
| 3   |            |   |             |                        |         |                                   |
| 4   |            |   |             |                        |         |                                   |
| 5   |            |   |             |                        |         |                                   |
| 6   |            |   |             |                        |         |                                   |
| 7   |            |   |             |                        |         |                                   |
| 8   |            |   |             |                        |         |                                   |
| 9   |            |   |             |                        |         |                                   |
| 10  |            |   |             |                        |         |                                   |
| 11  |            |   |             |                        |         |                                   |
| 12  |            |   |             |                        |         |                                   |
| Дүн |            |   |             |                        |         |                                   |

Нэрийн дансны орлогод тооцох хүүгийн хэмжээ: .....

..... оны нэрийн дансны эцсийн үлдэгдэл:.....